



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KEREITI YA 12

SESOTHO PUO YA LAPENG (HL)

PAMPIRI YA BORARO (P3)

PUDUNGWANA 2023

MATSHWAO: 100

NAKO: Dihora tse 3

Pampiri ena e na le maqephe a 5.

DITAELO LE DIKELETSO HO MOHLAHLOBUWA

1. Pampiri ena e arotswe ka DIKAROLO TSE PEDI:
KAROLO YA A: Moqoqo (50)
KAROLO YA B: Ditema tsa Kgokahano (2 x 25) (50)
2. Araba potso E LE NNGWE KAROLONG YA A le dipotso TSE PEDI KAROLONG YA B.
3. Araba dipotso TSOHLE ka puo eo o lekanyetswang ka yona.
4. Qala karolo KA NNGWE leqepheng LE LETJHA.
5. Etsa moralo wa tema e nngwe le e nngwe (ka ho etsa mmapa wa monahano/daekramo/tjhate e bontshang tatelano ya mehopolo kapa lenane la dintlha tseo o tlang ho ngola ka tsona). Ha o qetile ho ngola tema ya hao, e bale hape ho hlaola diphoso. Meralo e hlahiswe QALONG ya tema ka nngwe.
6. Meralo yohle e totobatswe ka tshwanelo hore ke meralo. O eletswa hore o sehe mola ho habahanya meralo, mme o se sehe mola ho habahanya moqoqo kapa tema ya ho qetela e tlang ho tshwauwa.
7. O eletswa ho sebedisa nako ka mokgwa ona:
KAROLO YA A: Metsotso e ka bang e 100
KAROLO YA B: Metsotso e ka bang e (2 x 40) 80
8. Nomora dikarabo tsa hao jwalo ka ha dipotso di nomorilwe pampiring ya dipotso.
9. Sehlooho se se ke sa balellwa e le karolo ya palo ya mantswe.
10. Ngola ka mongolo o makgethe, mme o balehang.

KAROLO YA A: MOQOQO**POTSO YA 1**

Kgetha sehlooho kapa setshwantsho SE LE SENG ebe o ngola moqoqo wa bolelele ba mantswe a 400 ho isa ho a 450 (dikahare feela). Se lebale ho etsa moralo, o boele o lekole tema ya hao botjha ka ho e hlaola diphoso.

- 1.1 Nako ya phomolo le boikgutso ya fetoha masisapelol! [50]
- 1.2 Batswadi ba lokela ho tseba bahlankana/dikgarebe tsa bana ba bona. [50]
- 1.3 Lekgetlo la ka la pele la ho iswa sepetlele ka lebaka la ho kula. [50]
- 1.4 Ho lokile hape ha ho a loka hore baithuti ba etse dithuto tsa bona ka marangrang a inthanete. [50]
- 1.5 Ebe kolobetso ya nokeng e lokile kapa tjhe? [50]

Kgetha setshwantsho SE LE SENG ho tse latelang, o ntano ngola moqoqo ka sehlooho se se tlang kelellong ya hao. Nomora potso ya hao (1.6, 17 KAPA 1.8). O nehe moqoqo wa hao sehlooho se loketseng.

ELA TLHOKO: Ho tlamehile ho ba le kgokahano dipakeng tsa moqoqo wa hao le setshwantsho seo o se kgethileng.

1.6



[Setshwantsho sena se nkuwe ho tswa ho encrypted-tbn0.gstatic.com]

[50]

1.7



[Setshwantsho sena se nkuwe ho tswa ho www.humanebaders.org]

[50]

1.8



[Setshwantsho sena se nkuwe ho tswa ho encrypted-tbn0.gstatic.com]

[50]

MATSHWAO OHLE A KAROLO YA A: 50

KAROLO YA B: DITEMA TSA KGOKAHANO**POTSO YA 2**

Kgetha mme o ngole ditema TSE PEDI tsa bolelele ba mantswe a 180 ho isa ho a 200 (dikahare feela) temeng ka nngwe. Se lebane ho etsa moralo, o boele o lekole tema ya hao botjha ka ho e hlaola diphoso.

2.1 LENGOLO LA SETSWALLE

Ngwaneno o nketswe mokotlana wa diphahlo le tjhelete ke dinokwane. Mo ngolle lengolo o mo tshedise ka tahlehelo eo.

[25]**2.2 LENGOLO LE YANG KORANTENG**

Ngola lengolo le yang koranteng moo o tletlebang ka leqeme la mosebetsi ho batjha ba naha ena.

[25]**2.3 ATIKELE E YANG MAKASINENG**

Ngola atikele e yang makasineng moo o hlahisang maikutlo a hao ka bana bana ba emang ditsheng tsa mabenkele le ho kena matlong ba kopa ditjhelete.

[25]**2.4 NALANE YA BOPHELO BA MOFU (OBITJHUARI)**

Motswalao o hlokahaletse kotsing ya koloji. Ngola nalane ya tsa bophelo ba hae.

[25]**2.5 RAPOROTO YA SEMMUSO**

O bone moithuti ya neng a dutse haufi le wena a kopitsa nakong ya ditlhahlobo mme lefapha la ditlhahlobo le o kopile ho ba etsetsa raporoto. Ngola raporoto mabapi le ketso eo.

[25]**2.6 INTHAVIU E NGOLWANG**

Thabo ke sebohodi seyalemoyeng sa setjhaba. Ngola inthaviu e dipakeng tsa hae le Letona la sepolesa moo ba buisanang ka ho kwetelwa ho seng ho jele setsi ha makoloi.

[25]

MATSHWAO OHLE A KAROLO YA B:
MATSHWAO OHLE A PAMPIRI ENA:

50
100